

Q/q

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA DOBOJ JUG
OPĆINSKI NAČELNIK**

Broj:02- 20 - 828 /23

Datum: 27.06.2023. godine

Na osnovu člana 69. Zakona o organizaciji organa uprave u Federaciji BiH ("Službene novine FBiH", broj: 35/05), člana 23.Statuta općine Doboj Jug ("Sl.glasnik općine Doboj Jug" broj:03/08, 01/12 i 02/13), i Odluke o usvajanju budžeta općine Doboj Jug za 2023. godinu, broj: 01-04-1440-17/22, od 28.12.2022.godine , Općinski načelnik donosi

U P U T S T V O
utroška sredstava Budžeta općine Doboj Jug
za podsticanje proljetne sjetve za 2023. godinu

Ovim Uputstvom propisuju se uslovi koje moraju ispuniti obrti, pravna lica i registrovana gazdinstva za ostvarivanje prava podrške za podsticanje proljetne sjetve, te vrste i obim poljoprivredne proizvodnje koja se potiče iz sredstava Budžeta općine Doboj Jug za podsticanje proljetne sjetve za 2023. godinu.

Podržavaju se sljedeća poljoprivredna proizvodnja ili poljoprivredna djelatnost:

1. Podrška za ostvarenu poljoprivrednu proizvodnju (biljna proizvodnja) u 2023. godini

1. OPĆE ODREDBE

Pravo na ostvarenje podrške imaju obrti, pravna lica i registrovana gazdinstva (podnosioci zahtjeva) koji se bave poljoprivrednom proizvodnjom ili poljoprivrednom djelatnošću na teritoriji općine Doboj Jug i imaju stalno mjesto prebivališta..

Korisnici podrške moraju biti upisani u Registar poljoprivrednih gazdinstava (RPG) ili Registar klijenata (RK) kod nadležne općinske/sluzbe prema mjestu prebivališta ili prema sjedištu i moraji imati ažurirane podataka za tekuću godinu.

2. POSEBNE ODREDBE

Podrška za ostvarenu poljoprivrednu proizvodnju, proljetna sjetva (biljna proizvodnja) proizvodnja u 2023.godini Budžetom iznosi 20.000,00 KM. Podrška se odnosi na kulture koje su zasijane u proljetnoj sjetvi i to: kukuruz,zob,ječam,krmno bilje,krompir i repromaterijal.

Površina koja se uzima za obračun za gore navedene poljoprivredne kulture na koju se odnosi podrška je 0,3 ha (3 dunuma), za krompir 0,1 ha (1 dunum).

Maksimalan iznos za isplatu iznosi 1.000,00 KM za jednog korisnika

Zahtjev se podnosi samo za jednu kulturu

Za gore navedene korisnike rok za podnošenje zahtjeva je 15 dana od dana objavljivanja Uputstva na web stranici Općine. Zahtjev se podnosi na obrascu koji je sastavni dio ovog uputstva. Komisija će pregledati dostavljene dokaze o obavljenoj sjetvi i na terenu obaviti uviđaj i utvrditi opravdanost zahtjeva u slučaju opravdane sumnje.

Korisnici dostavljaju uz zahtjev sljedeću dokumentaciju:

1. listu korištenja,
2. dokaz o nabavci sjemena (fiskalni račun, faktura sa navedenom količinom i vrstom sjemena),
3. potvrdu banke o solventnom računu.

3. ZAVRŠNE ODREDBE

Ovo Uputstvo stupa na snagu nakon usvajanja od strane Općinskog vijeća i danom objavljivanja na zvaničnoj web stranici općine Doboj Jug.



OPĆINSKI NAČELNIK
Mirnes Tukić